



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200088970001; Carinski broj 200068970001
RAČUN: 3387302205238447; UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola: *05-251-521-14/25*

JAVNO

DATUM: 14.04.2025. god.

PRIMALAC:

- FUEL BOSS d.o.o. Zenica
- EKOEN d.o.o. Bijeljina
- INTER CLIMA d.o.o. Sarajevo

PREDMET: Obavijest o poništenju postupka nabavke i ugradnje podnih konvektora – južna fasada Terminala B

VEZA:

Poštovani,

Obavještavamo vas da je nakon okončane procedure prikupljanja ponuda za nabavku i ugradnju podnih konvektora – južna fasada Terminala B, provedene metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, postupak poništen.

S poštovanjem,

V.d. DIREKTOR-a
[Signature]
Sanin Ramezić



DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba	/	/

[Handwritten signature]



UPRAVA

Strana: 1 od 2

Broj protokola:

05-3-25-1-521-15/25

JAVNO

Datum: 11.04.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom „SARAJEVO“ d.o.o. Sarajevo, te Izvještaja i preporuke Komisije za provođenje postupka javne nabavke robe: Nabavka i ugradnja podnih konvektora – južna fasada Terminala B, broj: 05-3-25-1-521-15/25 od 03.04.2025. god., Uprava J.P. Međunarodni aerodrom „SARAJEVO“ d.o.o. Sarajevo, na 25. sjednici, održanoj dana 11.04.2025. god., donosi

ODLUKU

I

Poništava se postupak nabavke robe: Nabavka i ugradnja podnih konvektora – južna fasada Terminala B, proveden metodom nabavke Otvoreni postupak, jer nijedna od primljenih ponuda nije prihvatljiva.

II

Naručilac će, nakon proteka rokova za reviziju, ponoviti postupak nabavke iz tačke I ove Odluke, istim metodom.

III

Komisija za provođenje ponovljenog postupka nabavke biće imenovana naknadno, posebnim rješenjem.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Nabavka i ugradnja podnih konvektora – južna fasada Terminala B, direktor J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-521-3/25 od 24.02.2025. godine, a Rješenjem, broj: 05-1-25-1-521-5/25 od 17.03.2025. godine, imenovao Komisiju za provođenje postupka. U skladu sa navedenom odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 28.02.2025. godine na Portalu javnih nabavki objavilo obavještenje o nabavci, broj: 246-1-1-135-3-45/24, sa rokom za predaju ponuda do 24.03.2025. god.

Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene kako slijedi:

- ponuđač FUEL BOSS d.o.o. Zenica, sa ponuđenom cijenom od 79.950,00 KM,
- ponuđač EKOEN d.o.o. Bijeljina sa ponuđenom cijenom od 79.990,00 KM i
- ponuđač INTER CLIMA d.o.o. Sarajevo sa ponuđenom cijenom od 79.721,00 KM.

Nakon javnog otvaranja ponuda, Komisija se sastala radi detaljne analize dostavljenih ponuda, kojom prilikom je utvrđeno sljedeće:

➤ FUEL BOSS d.o.o. Zenica

Komisija za provođenje postupka javne nabavke izvršila je detaljan pregled dostavljene ponude i konstatovala da ista nije u skladu sa zahtjevima definisanim tenderskom dokumentacijom.

Naime, ponuđač nije dostavio ponudu koja je u potpunosti usklađena sa tačkom 5.1 „Sadržaj ponude“ tenderske dokumentacije, a posebno sa podtačkom j) „Tehnička dokumentacija za ponuđenu robu“. U skladu sa tenderskim zahtjevima, ponuđač je bio obavezan dostaviti tehničku dokumentaciju (katalozi, tehnički listovi – datasheets i drugi relevantni dokumenti), iz kojih bi se nedvosmisleno moglo utvrditi da ponuđena roba, u tehničkom smislu, u potpunosti odgovara traženim specifikacijama i zahtjevima ugovornog organa. Utvrđeno je da predmetna tehnička dokumentacija nije dostavljena na način koji bi omogućio jasnu i preciznu verifikaciju usklađenosti ponuđene robe sa tehničkim zahtjevima tenderske dokumentacije. Ovaj nedostatak se posebno odnosi na stavke pod rednim brojevima 1.1, 1.3, 2.1 i 2.2 ANEKSA III tenderske dokumentacije, čime ponuđač nije ispunio obaveze propisane tenderskim uslovima.

Imajući u vidu član 57. stav (1) Zakona o javnim nabavkama, kojim je jasno propisano da je ponuđač dužan dostaviti ponudu koja u cijelosti ispunjava zahtjeve i uslove navedene u tenderskoj dokumentaciji, Komisija za provođenje postupka javne nabavke je ponudu, u skladu sa članom 68. stav (4) tačka i) Zakona o javnim nabavkama, odbacila kao nepravilnu.

➤ EKOEN d.o.o. Bijeljina

Komisija za provođenje postupka javne nabavke izvršila je detaljan pregled dostavljene ponude i konstatovala da ista nije u skladu sa zahtjevima definisanim tenderskom dokumentacijom.

Naime, ponuđač nije dostavio ponudu koja je u potpunosti usklađena sa tačkom 5.1 „Sadržaj ponude“ tenderske dokumentacije, a posebno sa podtačkom j) „Tehnička dokumentacija za ponuđenu robu“. Naime, ponuđač nije dostavio tehničku dokumentaciju (katalozi, tehnički listovi – datasheets i druga relevantna dokumentacija), iz kojih bi se nedvosmisleno moglo utvrditi da ponuđena roba u tehničkom smislu u potpunosti odgovara zahtjevima ugovornog organa. Ovaj nedostatak odnosi se na stavke pod rednim brojevima 1.1, 1.3, 2.1 i 2.2 ANEKSA III tenderske dokumentacije. Pored toga, Komisija je utvrdila da je ponuđač dostavio licencu izdatu od strane Ministarstva za prostorno uređenje, građevinarstvo i ekologiju Republike Srpske.

Međutim, tenderskom dokumentacijom je u tački 4.4.2 b) izričito propisan zahtjev za dostavljanjem ovjerene kopije važećeg ovlaštenja izdatog od strane Federalnog ministarstva prostornog uređenja, u skladu sa važećom Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 25a/22, 42/22 i 93/22), za izvođenje radova u oblasti visokogradnje i mašinskih radova (KGH tehnika). Dostavljena licenca nije u skladu sa navedenom Uredbom, kojom je propisano da izvođač radova mora biti pravno ili fizičko lice koje gradi ili izvodi sve ili pojedine radove na građevini ili drugim zahvatima u prostoru, a koje isključivo posjeduje ovlaštenje Federalnog ministarstva prostornog uređenja. Također, u Uredbi je jasno navedeno da se građenje građevina ili izvođenje pojedinih radova na građevini i drugim zahvatima u prostoru iz nadležnosti Federacije BiH može obavljati samo od strane lica koje je registrovano za obavljanje te djelatnosti na području Federacije BiH i koje posjeduje odgovarajuće ovlaštenje.

Imajući u vidu član 57. stav (1) Zakona o javnim nabavkama, kojim je jasno propisano da je ponuđač dužan dostaviti ponudu koja u cijelosti ispunjava zahtjeve i uslove navedene u tenderskoj dokumentaciji, Komisija za provođenje postupka javne nabavke je ponudu, u skladu sa članom 68. stav (4) tačka i) Zakona o javnim nabavkama, odbacila kao nepravilnu.

➤ **INTER CLIMA d.o.o. Sarajevo**

Komisija za provođenje postupka javne nabavke, postupajući u skladu sa odredbama tenderske dokumentacije i važećih zakonskih propisa, izvršila je detaljan pregled dostavljene ponude te je konstatovala da ista nije u potpunosti usklađena sa formalnim i materijalnim zahtjevima tenderske dokumentacije.

Naime, ponuđač nije dostavio ponudu u skladu sa tačkom 4.4.2 b) tenderske dokumentacije, koja propisuje obavezu dostavljanja ovjerene kopije važećeg ovlaštenja izdatog od strane Federalnog ministarstva za poslove građenja, u skladu sa važećom Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 25a/22, 42/22 i 93/22), a koja se odnosi na izvođenje radova u oblasti visokogradnje i mašinskih radova (KGH tehnika). Iako se ponuđač nalazi u registru izvođača Federalnog ministarstva prostornog uređenja, koji je dostupan na zvaničnoj internet stranici www.fmpu.gov.ba, te je evidentiran kao pravno lice kojem je izdato odgovarajuće rješenje, ponuđač nije dostavio sam dokument – rješenje o ovlaštenju, čime nije ispunio formalni uslov tenderske dokumentacije.

Imajući u vidu član 57. stav (1) Zakona o javnim nabavkama, kojim je jasno propisano da je ponuđač dužan dostaviti ponudu koja u cijelosti ispunjava zahtjeve i uslove navedene u tenderskoj dokumentaciji, Komisija za provođenje postupka javne nabavke je ponudu, u skladu sa članom 68. stav (4) tačka i) Zakona o javnim nabavkama, odbacila kao nepravilnu.

Imajući u vidu da su ponuđači, u skladu sa članom 57. stav (1) Zakona o javnim nabavkama pridržavati se svih zahtjeva i uslova iz tenderske dokumentacije, Komisija je ponude, u skladu sa članom 68. st. (1) i (4) tačka i) Zakona o javnim nabavkama, ocijenila nepravilnim, odnosno neprihvatljivim, pa je Upravi Društva, u svom Izvještaju od 03.04.2025. godine, predložila da se predmetni postupak nabavke poništi, te ponovi istim metodom.

Uprava Društva je na svojoj 25. sjednici, održanoj dana 11.04.2025. god., razmotrila Izvještaj i preporuku Komisije, te je, nakon uvida u provedeni postupak, utvrdivši da su ispunjeni uslovi za poništenje postupka iz člana 69. stav (2) tačka d) Zakona o javnim nabavkama, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u Društva, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučenom poštanskom pošiljkom, u 3 (tri) primjerka, i to u roku od 10 dana od dana prijema Odluke.

Prilog: Zapisnik o pregledu i ocjeni ponuda;

DOSTAVLJENO:

1. Upravi Društva (orig.)
2. Ponuđačima
3. Sektoru za administrativnu podršku
 - Služba nabavke (orig)
 - Služba za pravne poslove i protokol
4. Sektoru razvoja, tehnike i standardizacije
5. a/a

V.d. DIREKTOR-a
Santir Ramezić

